



Stellingwarver Schrieversronte

An de Stichting Stellingwerfs Eigen,
t.a.v. de heer P. Bult, siktaoris,
Grindweg 18
8422 DN Ni'jberkoop

Berkoop, 10 feberwaori 2009

Achte heer Bult,

Tiedens de ontmoeting die oons bestuur oflopen 10 december had mit de heer De Vries en mit jow praotten wi'j of dat et bestuur van de Stellingwarver Schrieversronte him naor anleiding van et gesprek van doe beraoden zol over meugelike (vorms van) saemenwarking tussen jow en oonze streektaelinstelling.

Tiedens et gesprek is van de kaante van de Schrieversronte angeven dat respekt en erkenning van weerskaanten een eerste vereiste is veur welke saemenwarking dan ok.

Wi'j mienen dat jow jow, op zeker mement, ok in die stelling vienen kunnen.

Omdat de vertaeling van de Biebel deur jow angeven is as een (eerste) konkreet onderwarp veur eventuele saemenwarking is et naor oons idee goed om nog even te wiezen op et diel van oons gesprek op 10 december waarin wi'j benaodrokt hebben dat et uitgeven van boeken deur de Schrieversronte, dus ok de meugelike uitgifte van de Biebel, bunnan is an, wat wi'j hier mar numen, een kwaliteitsprotokol. Jow toonden daor doe begrip veur.

Oons bestuur het et gesprek van 10 december onderhaand bepraot. Wi'j overweugen daorbi'j dat et belang van et Stellingwarfs en de Stellingwarven daorbi'j centraol staon moet. An de aandere kaante mient oons bestuur dat saemenwarking waarbi'j de hieltied een 'vechtholing' toond wodt, waardeur meensken op heur kwievieve wezen moeten, niet alliend vervelend is; zoe'n holing zol ok de warkelike saemenwarking in de wege staon.

Iene van oonze bestuursleden had intied ok kennis neumen van de inhoud van jow digitale ni'jsbrief 'An de liende' van jannewaori 2009. Die kennis hebben wi'j in oons bestuur diel en betrokken bi'j et vormen van oons oordiel. Oons bestuur mient mit wat jow in dat nummer van 'An de liende' suggereren (in dit geval de zonuunde anwezigheid van de auto van oonze direkteur op de aovend van oflopen 10 december in Berkoop), jow beheurlik over de greenzen van een respektvolle omgang mit mekeer hennegaon.

Stichting Stellingwarver Schrieversronte

Instituut veur Stellingwarver tael en kultuur mit historisch en volkskundig archief

Willinge Prinsstraote 10, 8421 PE Oldeberkoop / Berkoop

Tillefoon (0516) 45 11 08, Tillefax (0516) 45 11 09

www.stellingwarfs.nl

e-mail: info@stellingwarfs.nl

Toch mient et bestuur (wi'j hadden ommes nog gien konkrete ofspraake maekt over een vorm van saemenwarking) dat bi'j et uutblieven van zok gedrag en et uitspreken van respekt en erkenning van weerskaanten misschien een basis vunnen wodden kan veur toekomstige saemenwarking, om te beginnen mit et een meugelike uutfifte van de Biebel.

Wi'j hechten d'r an dat jow oons weten laoten of jow de opvatting van et bestuur van de Stellingwarver Schrieversronte op dit punt dielen. Wi'j stellen oons veur dat jow dat an oons schriftelik bevestigen. Vervolgens zollen we de, ok hierboven beschreven, procedure veur et uutgeven van de Biebel op gang brengen kunnen.

Mit vrundelike groeten,
veur et bestuur van de Stellingwarver Schrieversronte,


Ype Dijkstra, veurzitter